

Is ait an obair-se ar Thadhg

[McKenna, L. *Iomarbhágh na bhFileadh* (Irish Texts Society, vols 20, 21, 1918); no. 25]

Anluan Mc Aodhagáin .cct.

1 Is ait an obair-se ar Thadhg  
ag buain fa bheith i n-easard  
re dag-bhun eoil ar n-anma  
adhbhar ceoil ar gcomh-labhra.

2 Nach greanmhar ghabhas do láimh  
re daoine tromdha teangbháil  
's gan acht sdán i gcuid dá cheird  
le lán a ghuib do Ghaoidheilg.

3 Dá mbeith áineas Banbha ar bun  
do dhéandaois daoine súgradh  
i n-iath choill-gheal na gclár sean  
fa ghlár ain-mhear an fhileadh.

4 Is glór gan chéill cuirtheair air  
más é Tadhg thiar do thagair  
is glór tré dhlús dighe soin  
nó is tús mire ros mhearaigh.

5 Más fíor rinn do ráidh ro-ghuth  
i ndán bhog do Bhaothghalach  
lán súl is croidheadh ó gCuinn  
glún fár hoileadh an fhoghlaim.

6 Do ráidh go mbéaradh a bharr  
le lán duirn do dhán éadtrom  
file neamh-fhoirbhte Craoi Chuiric  
mearuighthe an draoi a-dubhairt.

7 Do lean Tadhg ní triall síodha  
aigneadh an ois éig-críona  
a n-airneal gion go n-éir sin  
bheireas léim ain-mhear inntibh.

8 A thuile boirb-bhriathar dte  
ní bhia madh beo na daoine  
ag Mac Dáire acht na ghlóir ghirr  
gáire ba cóir fá choinntinn.

9 Mór n-oideadh do gach aicme  
mór bhfoghlaithidh bhfosgailte

a n-éir brígh bréagnuighthe an fhir  
i dtír ghéag-shnuighthe Gaoidhil.

10 Mac Aodha aighne go dtreoir  
gríos oireas d'fhuacht fhear n-ain-eoil  
beag dhe ré n-áireamh na aghaidh  
dáileamh é don ealadhain.

11 Badh gleic leinibh is laoich luinn  
do Thadhg an eoluis iomruill  
spairnn fa dheoidh ré dhunaibh sin  
nó is luamhain eoin gan eitibh.

12 Gort iad nach roich a robáil  
a chine clann Aodhagáin  
maith treoir a ro-ghaoise so  
eoin foraoise na heagna.

13 Díobh fríoth an t-iúl gá dás de  
iad féin fréamha na tuigse  
ionnlach na mbalg mboig-ghéar bhfis  
do Thadhg is oigéan ainbhis. IS AIT.